

Gvangjsih Minzczuz Bau

广西民族报 aenhauh okbanj: CN45-0036 B.2021 Nd.5 Ng.12 liggaeuq sincouj nienz ndwenseiq coit

Baihguenjbanh:

Gvangjsih Bouxcuengh Swcigih
Minzczuz Cunghgyau Swvu
Veijyenzei

Biengauj okbanj:

Gvangjsih Minzczuz Bause
Geizsoq: Gungh daih 3473 geiz
Geiz neix 8 banj

Hawj Aen Gih Yienghbanj Daengx Guek Minzczuz Caezhoz Baenaj Langh Rengz Daiqdoengh Ndeindet

——Siz Ginbingz Cungjsuhgi Cazyawj Gvangjsih Hawj Daengx Gih Lwgminz Gya Rengz Dangrap
Moq Gya'maenh Gya'ndei Minzczuz Caezhoz Ndawbiengz Onjdingh Henzguek Caemdingh

发挥好全国民族团结进步示范区带动作用

——习近平总书记视察广西激发全区人民巩固发展民族团结社会稳定边疆安宁新担当

“Gvangjsih dwg aen gih yienghbanj daengx guek minzczuz caezhoz baenaj, aeu laebdaeb hawj de langh rengz yienghbanj caeuq daiqdoengh.” “Dangrap moq gya'maenh gya'ndei minzczuz caezhoz, ndawbiengz onjdingh, henzguek caemdingh.” Siz Ginbingz cungjsuhgi cazyawj Gvangjsih le gangj gij vah caeuq vixyinx youqgaenj neix, hawj Gvangjsih gak cuz ganbu ginzcong lai haenqrengz raeuh. Vunzlai doengzcaez naeuz, yaek lumj ngveih sigloux doxgot ndaetndwngq caemh youq, sim doxgyaez fwngz doxyien, caezhoz buekguh baenaj, guhdoi hawj

Cunghvaz Minzczuz coglaeng hwnghat ndaej ndeindet, doengzdoh baengh minzczuz fukhwng hungmbwk youh lwenqda ndaejleih.

“Raeuz gyo cungjsuhgi gvansim cix miz rengz doinyoengx le aeu mbouj lau haemzhoj cungj yamq baenaj, yungh sim, yungh cingz, yungh rengz caiq guh hong minzczuz caezhoz lai ndei, caencingq guh hongsaeh lwnhrox caeuq son'gyauq vunzlai minzczuz caezhoz baenaj, mbouj dingz mbouj duenh hawj vunzlai cungj nyinh dwg aen Cunghvaz Minzczuz ndeu, hawj gyoengqvunz gak cuz doxgyau dox-

doeng doxcaemh cix ngoenz beij ngoenz doxnem, ngoenz beij ngoenz doxgyaez.” Bouxgoyinz yienghndei daengx guek minzczuz caezhoz baenaj, bouxsuhgi Cunghvaz Cunghlu Segih Dangjveij Se Vazgenh baenzneix naeuz.

“Dangqguh yiengh rengz daeuz henhoh soufuj ranghdieg Bouxcuengh bingzonj, dou gyoengq gungh'anh minzgingj itdingh laemxsim guhhong, laebdaeb cieplwed cingsaenz boux gungcanjdangj, henhoh ranghdieg ndeu bingzonj, hawj vunzlai gak cuz youq onj maij hong.” Bouxsojcanj Nanzningz Si Cungh-

sanh Baijczusoj Vangz Lij naeuz.

Bouxsaucaengj Nazboh Yen Denhciz Gozfanz Minzbingh Sausoj Lingz Yangcen z dawz henzguek 40 bi nanz, bi 2019 ndaej heuhguh “boux buekguh cieq gyaundeih”. Diuzhen henzguek ngutngeuj raezrang, gyoengq sauyenz Bouxgun, Bouxcuengh daengj ndaw sausoj neix guhdoi hawj diuzhenz, mbouj lau dai lix cungj dingguh gvaqdaej. “Gou cungj dingguh dawz ndei gizneix, vih guekgya dawz henz, vih vunzlai dangrap.” Lingz Yangcen z naeuz.

(Gvangjsih Yizbau)

Luz Sinhse: Gyonjcomz Rengz Hung Hwnqguh Aen Guengjsae Gyaundeih Sevei Cuiyi Miz Gij Daegsaek Cungguek Seizdaih Moq

鹿心社：凝聚起建设新时代中国特色
社会主义壮美广西的强大合力

5 nyied 7 hauh, Aen Daihhoih Cungjgez Haenhndei Daengx Gih Gunggeng Duetgungz Caeuq Baijbouh Hongsaeh Gya'maenh Gyalai Hongbaenz Gunggeng Duetgungz Caeuq Guhhoengh Lajmbanj Docienp Ndeindet youq Namzningz hai lo. Aen hoih neix hag laeg rox caez caemhcai ciuq gij vah youqgaenj Siz Ginbingz cungjsuhgi youq mwh hai Aen Daihhoih Cungjgez Haenhndei Daengx Guek Gunggeng Duetgungz gangj de, gij vah youqgaenj caeuq gij cingsaenz vixyinx youz Siz Ginbingz cazyawj Gvangjsih le gangj de guhdaengz caezcup, ciuq gij gietdingh caeuq baijbouh cunghyangh guhdaengz caezcup, ngeux yawj daj Cibbet Daih Aendangj doxdaeuj gih raeuz guh gunggeng duetgungz ginggvaq gijmaz, baijbouh hongsaeh gya'maenh gyalai

hongbaenz gunggeng duetgungz caeuq guhhoengh lajmbanj doxciep ndeindet, ciuheuh daengx gih gwnzwnz lajlaj haenqrengz fatyien z gij cingcaenz gunggeng duetgungz, buek haeuj seizdaih moq, hai guh hongsaeh moq, hawj hongsaeh guhhoengh lajmbanj lai vaiq, gyonjcomz rengz hung hwnqguh aen Guengjsae gyaundeih sevi cuji miz daegsaek Cungguek seizdaih moq. Boux suhgi Swcigih Dangjveij, boux cujy in Swcigih Yinzda Cangzveijvei Luz Sinhse camgya hai hoih caemhcai gangjvah, boux fusuhgi Swcigih Dangjveij, boux cujsiz Swcigih Lanz Denhliz nda baez hoih neix, boux cujsiz Swcigih Cwnghaz Sunh Daveij camgya hai hoih, boux fusuhgi Swcigih Dangjveij Liuz Siujmingz doeg gij gietdingh gvendaengz haenhndei.

(Cinz Yizcwz Gungh Vwnzyingj)



Hag Lizensij Aendangj, Yizcouh Vunzlai Yab Ciengq Hoengh Lailai 学党史，宜州这场快闪超燃

5 nyied 8 hauh, Hozciz Si Yizcouh Gih ndaw Vaizyenj Gujcin guh ciengz hozdung vunzlai yab bae hagsib son'gyauq lizensij aendangj caeuq angqhoh aendangj laeb ndaej 100 hopbi. Vunzlai langh cingz ciengq gohoengz 《Eu Hot Fwen Ndeu Hawj Dangj Dingq》daengj. Cungj hozdung neix vunzlai gyaenz yawj maij dingq, ok banhfap moq hagsib son'gyauq, hawj vunzlai bouxbouxcungj daeuj hagsib caeuq son'gyauq lizensij aendangj, ciengq go soengq leix hoh aendangj laeb ndaej 100 hopbi.

(Vangzvuz Yaujfangh)